

82

23. júlí

4. gr.

Stjórn félagsins Ægis hefur á hendi stjórn sjóðsins. Henni ber að sjá um, að höfuðstóll sjóðsins sé ávaxtaður með lánum gegn öruggum tryggingum, í fasteignum eða kaupum á góðum fasteignum til tryggingar gegn verðfalli peninga, svo og að tekjur sjóðsins séu lagðar við höfuðstólinn og ávaxtaðar á sama hátt og hann að því leyti, sem þeim ekki er varið til styrkveitinga samkvæmt 5. gr.

Stjórn sjóðsins ber um hver áramót að gera reikning um fjárhag sjóðsins fyrir ár það, sem þá er liðið, og skal sá reikningur endurskoðaður og úrskurðaður á næsta aðalfundi Ægis.

5. gr.

Þegar höfuðstóll er orðinn kr. 200000.00 má verja allt að öllum ársvöxtum hans og helmingi af árstíllögum til styrkveitinga.

6. gr.

Aðnjótandi styrks úr sjóðnum geta orðið félagsmenn í Ægi þegar þeir verða hjálparþurfi sökum veikinda, slysa eða ellilasburða, sömuleiðis geta ekkjur þeirra og eftirlifandi börn, sem hjálpar þurfa, notið styrks úr sjóðnum.

7. gr.

Styrki úr sjóðnum veitir 5 manna nefnd, og eiga sæti í henni félagsstjórnin og 2 aðrir félagsmenn, sem til þess eru kosnir á aðalfundi ár hvert. Um styrkveitingar skal sækja skriflega og þarf umsóknin að hafa borizt fyrir 1. desember ár hvert, en stjórn sjóðsins skal hafa kynnt sér hag og þörf umsækjanda og tekið ákvörðun um styrkveitingar fyrir árslok.

8. gr.

Fari svo að Skipstjóra- og stýrimannafélagið Ægir leysist upp eða líði undir lok, skal styrktarsjóður þessi halda áfram að starfa undir þriggja manna stjórn, sem ráðherra skipar. Skal skólastjóri Stýrimannaskólans vera sjálfkjörinn í stjórnina og vera formaður hennar og skal sjóðurinn vera í vörzlu hans.

Sjóðinn ber að ávaxta eins og áður er fram tekið, og gjöfum til hans veitt mót-taka. Eftir hver áramót skal ráðherra gefin skýrsla um fjárhag sjóðsins.

Styrki úr sjóðnum má veita gömlum Ægis félögum, ekkjum þeirra og börnum, ef þeir eru hjálparþurfa. Á sama hátt má styrkja aðra innlenda skipstjóra og stýrimenn, ekkjur þeirra og eftirlátin börn. Enn fremur má styrkja fátæka og efnilega nemendur Stýrimannaskólans til framhaldsnáms eða ef um fjárhagsörðugleika er að ræða og rétt þætti að styrkja viðkomandi námssvein.

9. gr.

Eftir aðalfund Ægis ár hvert, sendir stjórn styrktarsjóðsins skýrslu um fjárhag sjóðsins síðastliðið ár til ráðherra, sem hefur eftirlit með að sjóðnum sé stjórnað samkvæmt framanskráðri skipulagsskrá.

Leita skal staðfestingar forseta Íslands á skipulagsskrá þessari.

Þannig samþykkt í Ægi í janúar 1959.

Auðunn Auðunsson,
formaður.

Sigurjón Stefánsson,
gjaldkeri.

Karl Magnússon,
ritari.

AUGLÝSING

83

23. júlí

um breyting á lögreglusamþykkt fyrir Ísafjarðarkaupstað, nr. 12 24. jan. 1949.

1. gr.

64. grein orðist svo:

Búfénaður (nautgripir, sauðfé o. s. frv.) má ekki ganga laus í bænum.

Sauðfénað er óheimilt að hafa í kaupstaðnum, nema leyfi bæjarstjórnar komi til, og skal það alltaf bundið því skilyrði, að hann sé fluttur burtu til beitar þegar að loknum sauðburði.

Óheimilt er að beita sauðfé í bæjarlandið.

Fjárhús og önnur hús fyrir búpening má aðeins hafa þar sem bæjarstjórn ákveður.

Ef út af þessum ákvæðum er brugðið, varðar það eiganda sektum samkv. 99. gr. Enn fremur skal eigandinn greiða allan kostnað við handsömun, varðveizlu og sölu fénaðarins. Selja má ágangsfénaðinn til lúkningar þessum kostnaði, ef eigandi greiðir hann ekki tafarlaust.

Breyting þessi staðfestist hér með samkvæmt lögum nr. 1 3. jan. 1890, sbr. lög nr. 67 28. nóv. 1919, um lögreglusamþykktir fyrir kaupstaðina, til að öðlast gildi þegar í stað, og birtist til eftirbreytni öllum þeim, sem hlut eiga að máli.

Dómsmálaráðuneytið, 23. júlí 1959.

Friðjón Skarphéðinsson.

Gústav A. Jónasson.

AUGLÝSING

84

25. júlí

um breyting á reglugerð fyrir vatnsveitu í Bolungavík, nr. 105 26. maí 1943.

1. gr.

9. gr. reglugerðarinnar orðist svo:

Af öllum íbúðarhúsum og öðrum slíkum húsum, þar sem vatns er þörf, skal greiða vatnsskatt og skal hann lagður á eftir fasteignamatsverði húsanna, sem hér segir:

Af húsum að fasteignamatsverði		kr.	4000.00		greiðist	kr.	200.00
— — — —		—	4001.00— 5000.00	—	—	—	250.00
— — — —		—	5001.00— 6000.00	—	—	—	300.00
— — — —		—	6001.00— 7000.00	—	—	—	350.00
— — — —		—	7001.00— 8000.00	—	—	—	400.00
— — — —		—	8001.00— 9000.00	—	—	—	420.00
— — — —		—	9001.00—10000.00	—	—	—	440.00
— — — —		—	10001.00—11000.00	—	—	—	460.00
— — — —		—	11001.00—12000.00	—	—	—	480.00
— — — —		—	12001.00—13000.00	—	—	—	500.00
— — — —		—	13001.00—14000.00	—	—	—	520.00
— — — —		—	14001.00—15000.00	—	—	—	540.00
— — — —		—	15001.00—16000.00	—	—	—	560.00
— — — —		—	16001.00—17000.00	—	—	—	580.00
— — — —		—	17001.00—18000.00	—	—	—	600.00

84 Af húsum að fasteignamati yfir kr. 18000.00 skal greiða kr. 600.00 af kr. 18000.00, 25. júlí en 3% af afgangi.

2. gr.

10. gr. reglugerðarinnar orðist svo:

Af húsum, sem vatn nota til annars en venjulegra heimilisþarfa vegna atvinnu, sem í þeim er rekin, skal greiða aukagjald samkvæmt samningi við hreppsnefndina. Náist ekki samkomulag um upphæð gjaldsins, er heimilt að innheimta það eftir mæli, sem hér segir: Af fyrstu 500 smál. sé greitt kr. 1.00 af smálest, af næstu 500 smál. sé greitt kr. 0.50 af smál., af því, sem þar er fram yfir, greiðist kr. 0.20 af smálest.

3. gr.

11. gr. reglugerðarinnar orðist svo:

Þegar ekki hefur verið samið sérstaklega um notkun vatns til fiskþvottar, skal greiða 30 aura fyrir hvert skippund af fiski, miðað við þurrfisk.

Fyrir vatn í þækil skal greiða 20 aura á hverja tunnu.

Fyrir vatn til skipa skal greiða kr. 6.00 fyrir hverja smálest, en þó skal aldrei greiða minna en kr. 12.00 fyrir fiskiskip og kr. 24.00 fyrir önnur skip. Gjaldið skal greiða við móttöku.

4. gr.

Á eftir 11. gr. reglugerðarinnar komi ný grein, sem verður 12. gr. svo hljóðandi, og breytist greinatalan samkvæmt því:

Heimilt er hreppsnefnd Hólshrepps að hækka eða lækka gjöld samkvæmt reglugerð þessari um allt að 50%, án staðfestingar ráðuneytisins, hvort heldur er um að ræða einstaka liða eða gjöldin í heild.

Reglugerðarbreyting þessi sem samþykkt er af hreppsnefnd Hólshrepps, staðfestist hér með samkvæmt vatnalögum, nr. 15 20 júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi felld auglýsing nr. 147 26. júlí 1951 um breyting á reglugerð fyrir vatnsveitu í Bolungavík, nr. 105 26. maí 1943.

Félagsmálaráðuneytið, 25. júlí 1959.

Friðjón Skarphéðinsson.

Hallgrímur Dalberg.

85

júlí 27.

REGLUGERÐ

**um breytingu á reglugerðum nr. 103 og 115 frá 1957,
um fyrirframgreiðslur skatta o. fl.**

1. gr.

Aftan við 2. málsg. 1. gr. komi ný málsg. svo hljóðandi:

Nú er álagningu ekki lokið það tímanlega að hægt sé að krefja kaupgreiðendur um skatta starfsmanna fyrir 1. ágúst eða 1. september, og ber þeim þá, svo og öðrum skattgreiðendum, að greiða um þau mánaðamót sömu upphæðir og greiða þar 1. júní.

2. gr.

3. málsg. 1. gr. verður 4. málsgrein.

3. gr.

85

Reglugerð þessi, sem sett er samkvæmt lögum nr. 46/1954, um tekjuskatt og 27. júlí eignarskatt, öðlast þegar gildi.

Fjármálaráðuneytið, 27. júlí 1959.

Guðm. Í. Guðmundsson.

Kristján Thorlacius.

REGLUGERÐ

86

31. júlí

fyrir Matsveina- og veitingaþjónaskólann.

Samkvæmt lögum nr. 82 5. júní 1947, um Matsveina- og veitingaþjónaskóla, er hér með sett eftirfarandi reglugerð fyrir skólann:

I. KAFLI

Um markmið skólans og skipulag.

1. gr.

Markmið skólans er að veita þá þekkingu og þjálfun, sem þarf til þess að geta lokið sveinsprófi í matreiðsluiðn og framleiðsluiðn og prófi fyrir matreiðslumenn á fiskiskipum og flutningaskipum, svo og að veita hagnýta kennslu í ýmsum öðrum starfsgreinum, er varða rekstur gistihúsa og veitingahúsa.

2. gr.

Skólinn starfar í þessum deildum:

1. Þriggja ára deild til sveinsprófs í matreiðslu.
2. Þriggja ára deild til sveinsprófs í framreiðslu.
3. Tvö fjögurra mánaða námskeið til prófs fyrir matreiðslumenn á fiskiskipum.
4. Námskeiðadeild fyrir þá, sem lokið hafa sveinsprófi samkvæmt 1. og 2. tölulið, svo og aðra, sem starfa við gistihús eða veitingahús.

3. gr.

Í verklegum námsgreinum mega að jafnaði ekki vera fleiri en 20 nemendur í deild, en í bóklegum greinum allt að 30 nemendur.

4. gr.

Nemendur í matreiðsluiðn og framreiðsluiðn skulu stunda nám í skólanum í fjóra mánuði á ári. Hinn hluta námstímans skulu þeir vera við nám hjá meisturum í iðn sinni, í veitingahúsi eða á farþegaskipi.

Nemendur, sem búa sig undir próf fyrir matsveina samkvæmt 3. tölulið 2. gr., geta með samþykki skólastjóra lokið námi sínu á einu ári eða skipt því á tvö ár.

II. KAFLI

Um inntöku nemenda í skólann.

5. gr.

Þessi eru almenn inntökuskilyrði:

1. að nemandi sé 16 ára eða eldri;
2. að hann sé ekki haldinn næmum sjúkdómi;

- 86** 3. að hann hafi óflekkað mannorð;
31. júlí 4. að hann hafi lokað miðskólaprófi, en þó er heimilt að taka nemendur, sem ekki hafa lokið miðskólaprófi, ef þeir hafa lokið skyldunámi og sýna við inn-tökupróf, að þeir hafi nægilega undirstöðuþekkingu í íslenzku og reikningi til þess að fylgjast með kennslu í I. bekk skólans.

6. gr.

Umsóknir um skólavist nemenda skulu vera skriflegar og komnar til skólastjóra eigi síðar en 1. ágúst ár hvert. Umsókn skulu fylgja allar nauðsynlegar upplýsingar eftir nánari ákvörðun skólastjóra.

Meistarar í matreiðsluiðn og framreiðsluiðn skulu senda umsóknir fyrir nemendur sína, og láta fylgja staðfest afrit af námssamningi við þá.

7. gr.

Þeir, sem byrjað hafa iðnnám í matreiðslu og framreiðslu hafa forgangsrétt að námi í þeim deildum, sem greinir í 1. og 2. tölulið 2. gr. Að því er varðar matreiðslumenn, hafa þeir forgangsrétt, sem stundað hafa verklegt nám hjá meistara í eitt ár.

Nú getur skólinn veitt viðtöku fleiri nemendum en sótt hafa og fullnægja skilyrðum 1. málsg., og getur þá skólastjóri leyft mönnum, sem ekki eru ráðnir í iðnnám, en vilja reyna hæfileika sína til þeirra starfa, að stunda nám í skólanum til reynslu í einn eða tvo vetur. Lokapróf úr þessum deildum má þó engum veita fyrr en á því ári, sem hann lýkur verklegu námi hjá meistara.

8. gr.

Eftir að kennsla er byrjuð, geta nýir nemendur ekki fengið aðgang að skólanum. Þó má skólastjóri veita undanþágu frá þessu ákvæði, þegar sérstaklega stendur á.

III. KAFLI

Um kennsluna.

9. gr.

Í skólanum skulu þessar greinar kenndar:

1. Í matreiðsludeild til sveinsprófs:
 - a. Verklegt og bóklegt nám í matreiðslu.
 - b. Bakstur.
 - c. Næringarefnafræði.
 - d. Vöruþekking, geymsla og nýting matvæla.
 - e. Íslenzka, danska, enska og franska.
 - f. Bókfærsla og reikningur.
 - g. Eðlisfræði og efnafræði.
 - h. Teikning og teikniskrift.
2. Í framreiðsludeild til sveinsprófs:
 - a. Verklegt og bóklegt nám í framreiðslu.
 - b. Þekking á matarréttum og drykkjarföngum.
 - c. Fyrirskurður (tranchering).
 - d. Íslenzka, danska, enska og franska.
 - e. Bókfærsla og reikningur.
 - f. Eðlisfræði og efnafræði.
 - g. Teikning og teikniskrift.

3. Í deild til prófs fyrir matsveina á fiskiskipum og flutningaskipum:

86

31. júlí

- a. Almenn matreiðsla, ásamt næringarefnafræði.
- b. Undirstöðuatríði í bakstri.
- c. Vöruþekking, geymsla og nýting matvæla.
- d. Íslenzka og enska.
- e. Bókfærsla og reikningur.

4. Námskeiðadeild.

Í þessari deild skal skólanefnd og skólastjóri ákveða kennslugreinar, kennslu og aðra tilhögun, eftir því, sem við á hverju sinni.

10. gr.

Verklega kennslan skal miða að því, að nemendur læri rétt öll handtök og allar aðferðir í iðn sinni, en fullnægjandi æfingu í henni ber meistara að sjá þeim fyrir á vinnustað.

Við alla kennslu skal leggja sérstaka áherzlu á reglusemi, þrifalega og hátt-prúða umgengni og snyrtimennsku.

11. gr.

Stundafjöldi námsgreina yfir allan námstímann til sveinsprófs, skal vera sem næst því, sem hér segir:

Íslenzka	160 st.
Enska	160 —
Bókfærsla	72 —
Efnafræði og eðlisfræði	24 —
Danska	160 —
Reikningur	160 —
Teikning og teikniskrift	96 —
Franska	160 —

Í matreiðsludeild að auki:

Næringarefnafræði	72 —
Matreiðsla verkleg og bókleg	600 —

Í framreiðsludeild að auki:

Framreiðsla verkleg og bókleg	600 —
-------------------------------------	-------

Á hverju námskeiði til prófs fyrir matsveina á fiskiskipum og flutningaskipum skal stundafjöldi námsgreina vera sem næst þessu:

Íslenzka	64 st.
Reikningur	48 —
Enska	64 —
Bókfærsla	48 —
Matreiðsla, verkleg og bókleg ásamt næringarefnafræði ..	850 —

12. gr.

Skólastjóri semur stundaskrá fyrir hvert skólaár í samráði við skólanefnd.

IV. KAFLI

Skólatími og leyfi.

13. gr.

Skólaárið hefst 1. september og lýkur 30. apríl.